

25 փետրվարի 2016թ.

030-Ե-45

Հայաստանի Հանրապետության
վերաքննիչ քրեական դատարանի
նախագահ
պարոն ՎԱՋԳԵՆ ՌՇՏՈՒՆՈՒՆ

AMICUS CURIAE

**թիվ ԵՇԴ0125/01/14 քրեական գործով
դատարանի 19.02.2016 թվականի վերաքննիչ ակտի**

Հարգելի Ռատարան,

Ելնելով իմ երկարամյա իրավապաշտպան գործունեության փորձից, գիտակցելով, որ Հայաստանի Հանրապետության ներքին հռչակվել է իրավական պետություն, այնուհետև միանալով Մարդու իրավունքների և հիմնարար ազատությունների պաշտպանության մասին եվրոպական կոնվենցիային՝ որդեգրել Մարդու իրավունքների, ժողովրդավարության և օրենքի գերակայության արժեքները՝ չեմկարողանալու քրեական ակտի վերաքննիչ ակտի Գասպարիի նկատմամբ դատարանի կողմից կիրառված անհիմն և որևէ կերպ չպատճառարանված որոշման նկատմամբ և Ձեզ ներկայացնում և անվան փաստաթուղթը, որում ամփոփված են մի շարք կարևոր հանգամանքներ, որոնք, ըստիս, վերաքննիչ քրեական դատարանը պետք է հաշվի առնի ինդրոնաարկա որոշման դեմ քերված բողոքը քննարկելիս:

Ընթացիկ տարվա փետրվարի 19-ին Երևան քաղաքի Շենգավիթ վարչական շրջանի ընդհանուր իրավասության առաջին աստի դատարանը՝ նախագահությունամբ դատավոր Նելլի Բաղդասարյանի (այսուհետև՝ Ռատարան), կայացրել է ամբաստանյալի նկատմամբ

խափանման միջոց ընտրելու հարցը քննության առնելու մասին թիվ ԵՇԴ/0125/01/14 որոշումը (այսուհետ՝ կալանավորման որոշում), որով ամբաստանյալ Վարդգես Լիվանի Գասպարիի նկատմամբ որպես խափանման միջոց է ընտրվել կալանավորումը:

Գտնում եմ, որ կալանավորման որոշումն անհիմն է՝ հետևյալ պատճառաբանությամբ.

Որոշման հիմնավորումներին մասում Դատարանը նշել է հետևյալը. «Հաշվի առնելով քրեական գործի դատական քննության ընթացքում ամբաստանյալ Վ. Գասպարիի դրսևորած վարքագիծը՝ այն, որ նա բազմիցս դատարանի կանչով չի ներկայացել դատական նիստերին, ինչի արդյունքում դատական նիստերը ձախողվել են՝ դատարանը գտնում է, որ գործի քննության ընթացքում ամբաստանյալ Վ. Գասպարիի մասնակցությունը հնարավոր է ապահովել միայն նրան նկատմամբ կալանավորումը որպես խափանման միջոց ընտրելու պայմաններում»: Դատարանը հղում է կատարել ձևավորված նախադեպային իրավունքին՝ շեշտադրելով հատկապես Հայաստանի Հանրապետության վճռաբեկ դատարանի դիրքորոշումն առ այն, որ «խափանման միջոց կալանավորում կիրառելու հարցը դատարանը պետք է քննարկի ՀՀ քրեական դատավարության օրենսգրքի 135-րդ հոդվածի 2-րդ մասի համատեքստում: Մասնավորապես, որոշում կայացնելիս դատարանը պետք է հաշվի առնի, որ եթե մեղադրյալին մեղսագրվել է այնպիսի արարք, որի համար նախատեսվող ազատազրկման ձևով պատժի ժամկետը չի գերազանցում 1 տարին, սպա կալանքը որպես խափանման միջոց կիրառելիս դատարանը պետք է ներկայացնի ծանրակշիռ, գործի նյութերից բխող փաստարկներ մեղադրյալի կողմից Հայաստանի Հանրապետության քրեական դատավարության օրենսգրքի 135-րդ հոդվածի 1-ին մասով նախատեսված գործողությունները կատարելու բարձր հավանականության վերաբերյալ: Այլ խոսքով՝ դատարանը պետք է կիրառի դատական ակտի պատճառաբանության սովորական բարձր չափանիշն հիմնավորի, որ տվյալ դեպքում առկա են այնպիսի ծանրակշիռ փաստական տվյալներ, որոնք բացառում են ազատության

*մեջ մնալու դեպքում մեղադրյալի պատշաճ վարքագծի սպասն ավան
հնարավորությունը: Վերոնշարտարյալը բխում է անձին
ազատությունից զրկելու հետ կապված խափանման միջոցի և
հետապնդվող նպատակներին միջև համամասնությունն ուղղամիտ
հարաբերակցության անհրաժեշտությունից: Հակառակ պարագայում
կխախտվի հասարակությանը նդհանուր շահի և անհատի հիմնարար
իրավունքներին միջև արդարացի հավասարակշռությունը, ինչն իր
հերթին կարող է հանգեցնել անձի ազատության և անձնակն
անձեռնմխելիությանն և սահմանադրական իրավունքի և հարկի
սահմանափակման»:*

Անդրադառնալով Հայաստանի Հանրապետության քրեական
դատավարության օրենսգրքի 135-րդ հոդվածի 2-րդ մասին՝ փաստում
ենք, որ դրանով նախատեսված այլընտրանքային չափանիշներին
քննարկման առարկա գործով տեղի չունի, այսինքն՝ այն
հանցագործությունը, որի կատարումը մեղազրկում է Գասպարիին,
որպես սանկցիան նախատեսում է կալանավորում՝ առավելագույնը 3
ամիս ժամկետով (Հայաստանի Հանրապետության քրեական օրենսգրքի
343-րդ հոդվածի 2-րդ և 3-րդ մասեր): Այսպիսով, Դատարանը պետք է
հիմնավորեր, որ բավարար հիմքեր կան ենթադրելու, որ մեղադրյալը
կարող է կատարել 135-րդ հոդվածի 1-ին մասով նախատեսված
գործողությունները՝

- 1) թաքնվել քրեական վարույթն իրականացնող մարմնից.
- 2) խոչընդոտել մինչդատական վարույթում կամ դատարանում
գործի քննությանը՝ քրեական դատավարությանը մասնակցող անձանց
վրա անօրինական ազդեցություն գործադրելու, գործի համար
նշանակություն ունեցող նյութերը թաքցնելու կամ կեղծելու,
քրեական վարույթն իրականացնող մարմնի կանչով առանց հարգելի
պատճառներին չներկայանալու կամ այլ ճանապարհով.
- 3) կատարել քրեական օրենքով չթույլատրված արարք.
- 4) խուսափել քրեական պատասխանատվությունից և
նշանակված պատիժը կրելուց.
- 5) խոչընդոտել դատարանի դատավճռի կատարմանը:

Վերլուծելով կալանավորման որոշման պատճառաբանական մասը և հատկապես դրա այն միտքը, որ *գործի քննության ընթացքում ամբաստանյալ Վ. Գասպարիի մասնակցությունը հնարավոր է ապահովել միայն նրան կատմամբ կալանավորումը որպես խափանման միջոց ընտրելու պայմաններում*, կարելի է ենթադրել, որ Դատարանը հղում է կատարում 135-րդ հոդվածի 1-ին մասի 2-րդ կետին, սակայն փաստն այն է, որ մինչ այդ Գասպարիի ներկայությունը դատական նիստերին հնարավոր է եղել ապահովել նրան բերման ենթարկելու միջոցով: Ընդ որում, Դատարանը, ինչպես և ամբողջ հասարակությունը, քաջատեղյակ է, թե գործով ամբաստանյալը որտեղ է մշտապես գտնվում: Ավելին, Դատարանը, համաձայն նույն հոդվածի 3-րդ մասի 3-րդ կետի՝ խափանման միջոց ընտրելու հարցը լուծելիս, ի թիվս այլնի, պարտավոր էր հաշվի առնել ամբաստանյալի տարիքն ու առողջական վիճակը: Մինչդեռ անտեսվել է Գասպարիի 59 տարեկան և վատառողջ լինելու հանգամանքը:

Սյուս կողմից, Մարդու իրավունքների և հիմնարար ազատությունների պաշտպանության մասին եվրոպական կոնվենցիայի (այսուհետ՝ Կոնվենցիա) 5-րդ հոդվածի ուժով՝

1. Յուրաքանչյուր ոք ունի ազատության և անձնական անձեռնմխելիության իրավունք: Ոչ ոքի չի կարելի ազատությունից զրկել այլ կերպ, քան հետևյալ դեպքերում և օրենքով սահմանված կարգով.

(բ) անձի օրինական ձերբակալումը կամ կալանավորումը դատարանի օրինական կարգադրությամբ չենթարկվելու համար կամ օրենքով նախատեսված ցանկացած պարտավորության կատարումն ապահովելու նպատակով,

(գ) անձի օրինական կալանավորումը կամ ձերբակալումը՝ իրավախախտում կատարած լինելու հիմնավոր կասկածի առկայություն դեպքում նրան իրավասու օրինական մարմնին ներկայացնելու նպատակով, կամ այն դեպքում, երբ դա հիմնավոր կերպով անհրաժեշտ է համարվում նրա կողմից հանցագործության

կատարումը կամ այն կատարելուց հետո նրա փախուստը կանխելու համար,

3. Սույն հոդվածի 1-ին կետի (գ) ենթակետի դրույթներին համապատասխան ձերբակալված կամ կալանավորված յուրաքանչյուր նքան հասարակ տարվում է դատավորի կամ այլ պաշտոնատար անձի մոտ, որն օրենքով լիազորված է իրականացնելու դատական իշխանությունն ունի նորջամիտ ժամկետում դատաքննության իրավունք կամ մինչև դատաքննությանն ազատ արձակվելու իրավունք: Ազատ արձակումը կարող է պայմանավորվել դատաքննության ներկայանալու երաշխիքներով:

Օրենքով նախատեսված պարտավորության կատարման ապահովումն օրենքով նախատեսված պարտավորության կատարման կապակցությամբ թույլատրվում է անձին կալանավորել միայն այն նպատակով, որպեսզի նրան հարկադրվի կատարել կոնկրետ նորոշակի պարտավորություն, որը նա մինչև այդ չի կատարել¹: Ավելին, պարտավորությունն ընդհանուր առմամբ պետք է լինի այնպիսին, որի ծագումն արդեն իսկ պայմանավորված է անհատի վարքագծով. հետևաբար, կալանքը, որպես կանոն, թույլատրելի չէ, եթե օրինակն որևէ պարտավորություն չի խախտվել: **Ինչպես վերևում նշվեց, կալանքը չի կարող պատժելու նպատակ հետապնդել. քննարկվող դեպքում կալանքի նպատակն է ապահովել ինդրո առարկա պարտավորության կատարումը²:**

Ժողովրդավարական հասարակարգում կարևոր է հավասարակշռել, մի կողմից, պարտավորության անհասարակ կատարումն ապահովելու անհրաժեշտությունը, իսկ մյուս կողմից՝ ազատության իրավունքի կարևորությունը: Հավասարակշռությունը հաստատելիս անհրաժեշտ է հաշվի առնել այնպիսի գործոն, ինչպիսին է կալանքի տևողությունը: Մասնավորապես, **եթե հաշվի առնենք այն հանգամանքը, որ Ռատարանը նորոշել է կալանավորել ամբաստանյալին առավելագույն՝ 2 ամիս ժամկետով, որը միաժամանակ նրան մեղադրվող հանցագործության առավելագույն սահմանից 2/3-ն է,**

¹Էնգելը և ուրիշներն ընդդեմ Նիդեռլանդների, կետ 69

²Լոլեսն ընդդեմ Իռլանդիայի

ակնհայտ է դառնում մտաբանության այլ Գասպարիին կալանավորման միջոցով ազատության իրավունքից զրկելու ժամկետի անհամապատասխանությունը նայն, որ այս դեպքում կալանավորումը ոչ թե պրեվենտիվ կամ պարտավորության կատարումն ապահովելու նպատակ ունի, այլ այն կրում է պատժողական բնույթ:

Կալանքը պետք է նաև իրավաչափ լինի կալանքի միջոցով հետապնդվող նպատակին. ՄաքՎեյնը ներդրեմ Միացյալ Թագավորության գործով նախկին Հանձնաժողովը քննության առավմի իրավիճակ, որում 3 տղամարդ 45 ժամ կալանքի տակ էին պահվել Հյուսիսային Իռլանդիայից Մեծ Բրիտանիա մուտք գործելու կետին, որպեսզի «անցնեն լրացուցիչ ստուգում»: Այն ժամանակ գործող հակաահաբեկչական օրենքի համաձայն՝ Մեծ Բրիտանիա մուտք գործող անձիք կարող էին հարցաքննվել, որպեսզի պարզվեն նրանց հնարավոր կապերն ահաբեկչության հետ: Կալանաւ առաջանալու դեպքում անձից կարող էր պահանջվել «լրացուցիչ ստուգումներ անցնել»: Տվյալ դեպքում հայցվորները կալանավորվել էին, որպեսզի ապահովվեր պարտավորության գործունե կատարումն այն ժամանակ, երբ այդ պարտավորությունն առաջանար: Հանձնաժողովը որոշեց, որ պարտավորությունը «որոշակի էր և կոնկրետ»: Վճռելով, որ կալանքը 5 (1) (բ) հոդվածի համաձայն հիմնավորված էր, Հանձնաժողովը նկատեց, որ պարտավորության կատարումն անհամապատասխան էր առաջատար ինդիք էր, և որ դրա կատարումն ապահովելու ողջամտորեն պրակտիկ որևէ այլ միջոցներ չկային: Գասպարիի գործով, ինչպես արդեն փաստեցինք, Դատարանը հնարավորություն ունեւր նիստին նրա ներկայ այ ությ ունն ապահովելու բերման ենթարկելու միջոցով:

Ազատարձակումը մերժելու համար 5-րդ հոդվածի 3-րդ մասի շրջանակներում ընդունելի են համարվում հետևյալ հիմքերը.

- Դատարանությանը չներկայանալու ոխակը,
- Այն ոխակը, որ կալանավորվածը կմիջամտի արդարադատության իրականացմանը,
- Այն ոխակը, որ կալանավորվածը նոր իրավախախտում կկատարի,

- Կալ ան քի ան հրաժեշտությունը հասարակական կարգի պահպանման տեսակետից:

Մեղադրյալի՝ դատաքննությունը չներկայացնելու նիսկը չի կարող բացառապես կախված լինել և պասվոզի հնարավոր պատժի խստությունից: Այն դեպքերում, երբ հնարավոր է ստանալ երաշխիքներ առայն, որ նա կներկայանա, նապետք է ազատարձակվի՝ որոշակի պայմաններով: Երբ գնահատվում է, թե արդյոք անհրաժեշտ է երկարաձգել կալանքը մեղադրյալի՝ փախուստ կատարելու հնարավոր տարբերակի հիմքով, պետք է հաշվի առնվեն հետևյալ գործոնները.

- մեղադրյալի բնավորությունը գծերը և անձնական հատկանիշները,
- մեղադրյալի նպատկանող գույքը,
- մեղադրյալի ընտանեկան կապերը,
- մեղադրյալի կապերն արտերկրում,
- սպասվող ծանր պատժաչափը,
- մեղադրյալի առանձնահատուկ բացասական վերաբերմունքը կալանքի նկատմամբ,
- տվյալ երկրում ամուրկ ապերի բացակայությունը:

Ներպետական դատարանը պետք է բավարարված լինի առայն, որ **գոյություն ունենալ սու գործոններին առնվազն մի քանիսը**, որոնք հիմք են տալիս ենթադրել, որ փախուստ կատարելու հետևանքները և վտանգավորությունը մեղադրյալը համարում է պակաս չարիք, քան բանտարկման երկարաձգումն է³:

Կալանքի տևողությունը գուրգահեռ նվազում է փախուստ կատարելու վտանգը, քանի որ մեծանում է հավանականությունը, որ մինչդատական կալանքի ժամկետը կնվազեցվի ի վերջո նշանակվելիք պատժից, եթե մեղադրյալը դատապարտվի: Այսպիսով, դատարանները պարտավոր են սահաշվի առնել յուրաքանչյուր անգամ, երբ անհրաժեշտ է քննել մինչդատական կալանքը երկարաձգելու հարցը: Դատարանը նշել է, որ երբ կալանքի երկարաձգումը հիմնավորող

³Ստոգմյուլերն ընդդեմ Ավստրիայի

միակ պատճառն այն վախն է, որ մեղադրյալը փախուստ կկատարի, որով
ավելի ուշ կխուսափի դատաքննությանը ներկայանալուց, նրան
անհրաժեշտ է ազատ արձակել նախքան դատաքննությանը, եթե
հնարավոր է նրանից ստանալ այնպիսի երաշխիքներ, որոնք
կապահովեն նրան ներկայանալը⁴:

*Մեջբերված հատվածի վերլուծության հից ակնհայտ է դառնում,
որ դատաքննությանը չներկայանալու ռիսկը ենթադրում է
ամբաստանյալի կողմից փախուստի դիմելու կամ կածի
տակայություն, ինչը վերաբերելի է քննարկման առարկա գործին, և
Դատարանի կողմից նման ռիսկի մասին որևէ հիշատակություն չի
կատարվել կալանավորման որոշման մեջ: Ավելին, դատաքննությանը
չներկայանալու հարցը ներպետական օրենսդրության ամբլում
անձին բերման ենթարկելու ինստիտուտի միջոցով, ինչը և
կիրառվել է Դատարանի կողմից՝ առանց որևէ խնդիր հարուցելու,
քանի որ ամբաստանյալ Գասպարին երբևէ քննության հից չի
թաքնվել:*

*Ինչ վերաբերում է մյուս հիմքերին՝ (արդարադատության
իրականացմանը միջամտելու ռիսկը, նոր իրավախախտում կատարելու
ռիսկը, հասարակական կարգի պահպանման անհրաժեշտությունը), սալա
դրանք տվյալ գործով որևէ կերպ կիրառելի չեն:*

Բացի շարադրվածից, Դատարանը կալանավորման որոշումը
կայացրել է առանց Գասպարիին ներկայություն և ապահովելու՝
խախտելով նրա լաված լինելու իրավունքը, որն ամբազրված է
Կոնվենցիայի 6-րդ հոդվածով, Եվրոպական դատարանի նախադեպային
որոշումներով և արդար դատաքննության իրավունքի կարևոր
բաղադրիչներին, մինչդեռ ոչինչ չէր խոչընդոտում
ամբաստանյալին, ինչպես նախկինում, բերման ենթարկելով
ապահովել նրա մասնակցությունն իր կալանավորման հարցի
վերաբերյալ քննարկմանը:

Հաշվի առնելով վերոշարադրյալը՝ խնդրում եմ բեկանել
Երևան քաղաքի Շենգյալի վարչական շրջանի ընդհանուր

⁴Վեմհոֆն ընդդեմ Գերմանիայի, կետ 15

Իրավասուն թյան առաջին ատյանի դատարանի 2016 թվականի փետրվարի 19-ի թիվ ԵՇԴ/0125/01/14 որոշումը ամբաստանյալի նկատմամբ խափանման միջոց ընտրելու հարցը քննության առնելու մասին և անհասպտակ անքից ազատել Վարդգես Լիվանի Գասպարիին :

Հարգանքով՝

ԷԴՄՈՆ ՄԱՐՈՒ ՔՅԱՆ